

Ai 24 di Mai dal 1915 il Friûl dal Ream di Italie al jentrave uficialmenti in vuere. Su La Patrie dal Friûl (www.lapatriedalfriul.org) di Mai, in prime pagine, e je ripuartade une citazion di pre **Antoni Beline** che, intun dai tancj intervents su la retoriche militaristiche, al scriveve "Si continue a celebrâ la vuere cu la scuse di celebrâ lis vitimis de vuere".

Par rifleti su cheste date e su chei events o vin contatât **Angelo Floramo**, storic e insegnant, che propit su la Patrie dal Friûl par dut il 2014 al à firmât la rubriche mensîl "Il centenari des bausiis e de vergogne". Tal cjapiel che al à compagnadis lis pontadis si lei: "ve ca la nestre 'cuintistorie' de prime vuere mondiâl memorea-de chest an. Une grande tragjedi che e à puartade la muart di tante puare int, e che in Friûl e à metût furlans cuintri furlans in non di decisions cjapadis parsonore dal lôr cjâf. Nô o contarî storîis e aspîets de cuistion che la retoriche dai stâts nazionâi no à mai contâ".

In ocasion dai 24 di Mai a Udin a son stadis sfiladis, fanfaris e bandieris par dut un fin setemane... Ce pensial?

"O soi convint in maniere profonde che il popul furlan nol vedi ancjemò fat chel impuartant salt antropologic e culturâl par smarcjâsi di une retoriche sul imprimponde dal stât talian e po dopo assimilade un pôc di ducj, forsit par strachetât, o pûr par indifferenece o piês par comut. La ipocrisie e je stade chê di declarâ che nissun nol voleve celebrâ il principi de vuere, ma ricuardâ ducj i siei muarts."

Invezit i presidents di Trent e Bolzan



Angelo Floramo

La riflesion di **Angelo Floramo**, storic e insegnant, su lis celebracions de Prime vuere e la dificolât dal afermasi di une culture europeane cuintri un spirit nazionalistic.

» DI CHRISTIAN ROMANINI

Cerimoniis cui voi sierâts

a àn metût il tricolôr a mieze aste cjapant ancje criticichis fuartis...

"I muarts no si vain cul scjas di une bande, ni cul svintulâ des bandieris militârs. Dome pensâ che sot di chê bandiere e cul colôr di chê monture a son stâts mandâts a murî miârs di zovins cuintri dai lôr fradis, colpevui dome di jessi nassûts a pôcs metris dal confin, al oblearès a un cidinôr de cussience, plui che al vosâ berghelot di une cerimonie. Chei di Bolzan a àn preferide la etiche e la dignitât".

Parcè dopo cents agns si continue cuntune retoriche de vuere che il

stes pape Francesc al à condanât ancje te sô visite a Redipulie?

"La culture di une apartignence europeane no si è ancjemò afermade: al prevâl ancjemò un fuart spirt nazionalistic che al fâs jeve su la pietât pai muarts e al continue a sdrumâ i popui: cent agns indaûr cul canon, vuê cu la massificazion e omogjenizazion culturâl. La reson dal Stât e de economie e scjafoie i popui pai interes di une caste transnazionâl, che e fevele la lenghe dai bêçs, no di sigûr chê dai popui".



ilfriuli@ilfriuli.it

■ RIVISTE LETERARIE

La Comugne si presente li de Joppi

Presentazion de Comugne in biblioteche Joppi. La riviste leterarie "La Comugne", rivade ae edizion numar 25, e sarà presentade vinars ai 5 di Jugn aes 6 dopomisdî li de sale Corgnali de sezion moderne de biblioteche "Joppi" a Udin.

Di cuasi 20 agns e rapresente une vere palestre di scritture creative e ancje chest an, editade de KappaVu, e je coordenate di **Pauli Cantarut** che le presenterà adun cui autôrs **Raffaele Serafini** e **Giacomo Trevisan** e cul fotograf **Marco Cuoco**.

L'event coordinât di **Marco Stolfo**, referent pal sportel pe lenghe furlane dal Comun di Udin, al jentre tal program di appuntamenti "Par furlan ator par Udin". Dilunc de presentazion a son previodûts i intervents di **Walter Tomada**, gjornalist e studiôs di leterature furlane, e **Giuliano Velliscig** de KappaVu, ma ancje la leture di parts dal gnûf numar de "La Comugne".

Par altris informazions: www.comune.udine.it/Furlan_in_Comun.

SCOLTADIS DI DRIUS

Il vêr pericol

Par un omp a l'è normâl cori daûr a une femine.

El pericol a l'è che, une volte cjapade, ti tocj tignîle.



Fieste dal Friûl, i fruts a tegnin vive la marilenghe

Uns trente lis scuelis de infanzie, primariis e secundariis di prin grât des Provinciis di Udin, Gurize e Pordenon che a àn partecipât al concurs "Emozions furlanis in viaç pal teritori" coordinât de Provincie di Udin e dal Uffici scolastic regionâl pe fieste dal Friûl che chest an si è davuelte ai 6 di Avrîl a Cividât. I fruts a vevin di produci lavôrs (dissens, tescj, videos, zûcs, nainis, progjets multimediâi) sui temis de fieste: identitât, storie, culture, lenghe, tradizions, valôrs. E à vint pe sezion de infanzie la scuele "Antony D. Liberale" di Rualis di Cividât; prin puest te categorie des scuelis primariis ae scuele "V. da Feltrè" di Cormons (Go), par chês secundariis di prin grât invezit e à vint la scuele di Travesio (Pn). Segnalazions ancje pe infanzie paritarie "P.T. Martina" di Ospedâl di Glemone e la "Ten. S.Sbrizzai" di Paulâr (Ud). Pes elementârs, preseâts i lavôrs des scuelis primariis di Vivâr (Pn) e Pantianins



(Ud); pes mediis, ricognossiment speciâl ae scuele secundarie di prin grât di Buri (Ud). Intai dîs passâts a pa-

laç Belgrât il moment principâl des premiazions cuntun Salon dal Consei plen cun plui di 130 fruts. Un biel colp di voli. "O soi une vore content di viodius cussî tancj vuê in chest salon - al à dit Fontanini ai fruts, dongje di Rosalba Perini pe ARLeF, Paola Floreancig e Paola Cencini dal Uffici scolastic regionâl -; un biel segnâl pe comunitât furlane che e à in voaltris lis miôr sperancis pal avignî e in particolar pe tutele des sôs componentis identitariis, prin di dut la marilenghe. Un grazie pal impegn in cheste iniziative dreçade a fâus cognossi inmò di plui il nestri teritori; un ringraziament particolar ai docents pe lôr sensibilitât e pe atenzion ae marilenghe. Il furlan al à un avignî dome se la scuele si fâs part ative tal doprâl, te sô difusion e te sô difese". E ai fruts Fontanini al à fat ancje un apel par furlan, "No stait a dismenteâ di fevelâ par furlan, doprait la lenghe furlane".